



Broj:

Sarajevo, 18.10.2024. godine

PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM

n/r predsjedavajućeg, g. Nebojša Radmanović

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 18-10-2024

Organizaciona jedinica	Klasifikaciona oznaka	Redni broj	Broj priloga
01	50-1	2002/24	

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23 i 87/23), a imajući u vidu obaveze Bosne i Hercegovine iz poglavlja 27. navedene u Izvještaju Evropske komisije o Bosni i Hercegovini iz 2023. godine, podnosim

### POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine inicira da Vijeće ministara Bosne i Hercegovine pristupi izradi Okvirne strategije integrisanog upravljanja vodama na nivou BiH, uključujući i Akcioni plan za provedbu propisa Evropske unije koji se odnose na vodu za piće, komunalne otpadne vode i upravljanje rizikom od poplava, kao jedne od obaveza iz poglavlja 27. Izvještaja Evropske komisije o Bosni i Hercegovini za 2023. godinu.

### Obrazloženje


Primarni razlog podnošenja ove inicijative ogleda se u potrebi izrade sveobuhvatne systemske analize i stručnog i integralnog pronalaska rješenja i zaštitnih mjera, kojima će se spriječiti pogubne posljedice u budućnosti, uzrokovane prirodnim nepogodama i klimatskim promjenama. Razorne poplave koje su zadesile Bosnu i Hercegovinu 2014. godine i koje su se ponovile u oktobru ove godine, u kojima je tragično stradalo 27 osoba prema posljednjim podacima i koje su nanijele ogromnu materijalnu štetu, ujedinile su sve nivoe vlasti u Bosni i Hercegovini i potvrdile da se ovo pitanje treba riješiti na integralan način, a što je jedan od koraka koji trebamo ispuniti na putu ka EU.

Bosna i Hercegovina trenutno ima na nivou entiteta strategije o upravljanju vodama i to: Strategiju upravljanja vodama Federacije Bosne i Hercegovine za period od 2010. do 2022. godine i Strategiju integralnog upravljanja vodama Republike Srpske za period od 2015. do 2024. godine, ali još uvijek nema usklađenu cjelodržavnu strategiju niti održivi investicioni plan za upravljanje vodama, a to je Evropska komisija jasno navela kao obavezu u poglavlju 27. Izvještaja o Bosni i Hercegovini za 2023. godinu. Dakle, i dalje je potrebno usvojiti konkretne planove za provedbu propisa EU koji se odnose na vodu za piće, komunalne otpadne vode i upravljanje rizikom od poplava. Potrebno je usvojiti krovni izvještaj za Bosnu

i Hercegovinu o planovima upravljanja riječnim slivovima, kao i revidirani akcioni plan za zaštitu od poplava i upravljanje rijekama.

Imajući u vidu prethodno navedeno, neophodno je pristupiti izradi i usvajanju Okvirne strategije integrisanog upravljanja vodama na nivou BiH, kao i izradi Akcionog plana za provedbu acquis-a Evropske unije koji se odnose na vodu za piće, komunalne otpadne vode i upravljanje rizikom od poplava, odnosno sa direktivama kao što su: Okvirna direktiva o vodama (Direktiva 2000/60/EC) iz 2000. godine, Direktiva o tretmanu gradskih otpadnih voda 91/271/EC, Direktiva o kvalitetu vode za piće 98/83/EC i Direktiva o procjeni i upravljanju rizicima od poplava 2007/60/EZ iz 2007. godine.

**Dr. Denis Zvizdić**

A handwritten signature in dark ink, appearing to read 'Dr. Denis Zvizdić', is positioned below the printed name. The signature is somewhat stylized and overlaps with the printed text.